



Republika e Kosovës
Republika Kosova
Republikot Kosovo



REPUBLIKA E KOSOVËS - REPUBLIKA KOSOVA
KOMUNA E VITISË - OPŠTINA VITINA

Pranuar - Primjeno Me/Dana <u>27-11-2019</u> Vitina			
Nr. i organit Org. broj	Numri/Broj	Shënimi Prilog	Vlera Vrednos*
<u>01-110/05-1189</u>			



Komuna e Vitisë
Opština Vitina
Municipality of Vitina

RREGULLORE PËR PALESTRËN SPORTIVE

Viti, Nëntor 2019

Në bazë të nenit 12, paragrafi 12.1, dhe 12.2 shkronja c) të Ligjit mbi Vetëqeverisjen Lokale Nr.03/L-040 të Republikës Kosovës, Gazeta Zyrtare Nr.28/2008, në harmoni të plotë me dispozitat e nenit 36.2 shkronja c) të Statutit të Komunës së Vitisë Nr.01-013/491, të datës 21.04.2011, Kuvendi i Komunës së Vitisë në mbledhjen e mbajtur më datën: 26.11.2019, miraton këtë

RREGULLORE

PËR PALESTRËN SPORTIVE

Qëllimi

Neni 1

Me këtë rregullore përcaktohet mënyra dhe kushtet e shfrytëzimit të palestrës së sporteve në Fshatin Drobesh, kilometri i dytë në Rrugën Viti – Gërlicë, për aktivitetet sportive të klubeve të licencuara në federatat gjegjëse, klubeve private, për manifestime të ndryshme të kulturës, tubimeve partiake, revistave si dhe rekreacionit.

Neni 2

1. Klubet dhe subjektet tjera të interesuara për shfrytëzimin e palestrës sportive duhet që së paku 3 ditë para ditës së organizimit të manifestimit, tubimit apo ndeshjes, t'i drejtohen me kërkesë përgjegjësit të Palestrës ose DRKS-së, të cilët janë të obliguar që të kthejnë përgjigje me shkrim brenda 48 orëve.
2. Klubet e regjistruara në DRKS - Sektori i Sportit në Komunën e Vitisë e që janë të licencuara në Federatat përkatëse e që kanë kalendar të rregullt të garave, do të shfrytëzojnë Palestrën në bazë të një orari të rregullt të rregulluar nga përgjegjësi i palestrës në bashkëveprim me udhëheqësit e këtyre klubeve dhe të vërtetuara nga DRKS-së.

Neni 3

1. Të gjitha klubet sportive që zhvillojnë veprimtarinë e tyre në palestër dhe që janë të regjistruara në DRKS, respektivisht federatat përkatëse e që janë të Komunës së Vitisë, mund ta shfrytëzojnë Palestrën për stërvitje dhe gara në kuadër të sistemit të garave të përcaktuara nga Federatat përkatëse, mbështetur në këto kritere:
 - 1.1 Për stërvitje sportive pa pagesë. (3 stërvitje në javë deri në ora 22.00h);
 - 1.2 Për zhvillimin e ndeshjeve pa bileta - pa pagesë;
 - 1.3 Për zhvillimin e ndeshjeve me bileta, 30% nga mjetet e inkasuar nga shitja e biletave;

- 1.4 Të gjitha shkollat e klubeve publike, që u nënshtrohen rregullave e Rregulloreve të Federatave përkatëse nuk paguajnë 3 (tre) stërvitje në javë, ndërsa Shkollat private paguajnë sipas nenit 3.3 pika (a);
- 1.5 Salla e vogël, fitnes kabineti dhe holet nga klubet e regjistruara shfrytëzohen pa pagesë, po në bazë të një orari të parapërgatitur nga Përgjegjësi i palestrës në bashkëpunim me klubet dhe i vërtetuar nga DRKS.
2. Terrenet e hapura për klubet e regjistruara si dhe shkollat e tyre të sportit shfrytëzohen pa pagesë, (në rast se një gjë e tillë nuk rregullohet ndryshe), ndërsa për aktivitete rekreative të klubeve, shoqatave ose organizatave punuese (të pa regjistruara në DRKS) paguhet shuma prej 10 € për një orë.
3. Palestra e Sporteve (Salla e madhe) mund të shfrytëzohet edhe për manifestime dhe ngjarje të tjera të ndryshme kulturo-sportive duke paguar:
 - 3.1 Aktivitete rekreative – sportive pa ndriçim-10€ për një orë dhe aktivitete rekreative sportive me ndriçim - 10 € për një orë.
 - 3.2 Aktivitete dhe ngjarje komerciale (për një orë) 180€.
 - 3.3 Aktivitete dhe ngjarje jo komerciale (për një orë) 80€.
 - 3.4 Aktivitete dhe ngjarje humanitare - pa pagesë
 - 3.5 Për Koncerte 30% nga inkasimi i biletave ose pagesa fikse 980 €.

Neni 4

Të gjitha klubet Sportive që nuk janë të Komunës së Vitisë, mund ta shfrytëzojnë palestrën duke paguar shumën fikse prej 80€ për një orë shfrytëzimi.

Neni 5

Transmetimi i ngjarjeve në palestër nga kompanitë televizive, në rast se nuk janë ftuar nga subjekti që organizon aktivitetin, paguajnë tarifë fikse 80€ për transmetim.

Neni 6

Reklamat lëvizëse të sponsorëve të klubeve mund të ekspozohen vetëm gjatë orarit të ndeshjeve të tyre, ndërsa për reklama statike paguhet tarifa ashtu siç parasheh Rregullorja për Tarifa, Ngarkesa dhe Gjoha komunale.

Neni 7

1. Prej të gjitha obligimeve financiare lirohen organizimet shtetërore që bënë Komuna për festa shtetërore e kombëtare, qofshin ato me karakter kulturor apo sportiv.

2. Me kërkesë dhe arsyeshmëri nga pagesa mund të lirohet subjektet, si: shoqatat e dala nga lufta, FSK, Njësi Special Policor, KFOR-i, personat me aftësi të veçanta, por vetë pas aprovimit nga Drejtoria e RKS-së.

Neni 8

Në palestrën e sporteve, ndalohet bartja e armëve dhe mjeteve të tjera eksplozive, pirja e duhanit, alkooli, dhe personat që thyejnë këtë rregull largohen nga palestra nga zyrtarët për siguri.

Neni 9

1. Dëmet e regjistruara gjatë ushtrimeve ose lojërave zyrtare vlerësohen nga një komision prej tre (3) anëtarëve, që themelohet nga Drejtori i DRKS-së dhe ky komision përgatit procesverbal të posaçëm për dëmet e regjistruara.
2. Dëmet e regjistruara nga komisioni i formuar nga Drejtori i RKS, klubin ose subjektin që ka qenë i ngarkuar me përgjegjësi dhe ka shfrytëzuar palestrën në kohën e shkakimit të atyre dëmeve e ngarkojnë dhe e obligojnë që në afat prej 7 ditësh t'i kompensojnë ato.
3. Në rast të mos kompensimit të dëmeve siç parasheh Neni 9, pika 9.2, përgjegjësi i Palestrës, klubit apo subjektit përgjegjës i ndalohet aktiviteti në palestër, ndërsa DRKS-ja përcjell procedurën në institucionet gjyqësore.

Neni 10

Për shfrytëzimin e palestrës së sporteve, klubet dhe subjektet tjera që kanë orar të rregullt të shfrytëzimit të këtij objekti, nënshkruajnë Kontrata me DRKS-në mbështetur në këtë Rregullore.

Neni 11

DRKS, mund të lëshojë me qira terrenet e hapura Sportive të Palestrës, nëse vlerëson se të hyrat financiare për Komunën janë më të mëdha se sa nga rekreacioni, pas një vendimi paraprak nga Kuvendi i Komunës.

Neni 12

Ndryshimet dhe plotësimet eventuale të kësaj Rregulloreje bëhen sipas procedurës së njëjtë të nxjerrjes së saj.

Neni 13

Për zbatimin e kësaj Rregulloreje kujdeset Drejtoria për Kulturë, Rini dhe Sport, ndërsa Kryetari i Komunës e përcjell implementimin e saj.

Neni 14
Hyrja në fuqi

Kjo rregullore hynë në fuqi 15 ditë pas regjistrimit në Zyrën e Protokollit të Ministrisë së Administrimit të Pushtetit Lokal në kuptim të nenit 81, Ligjit për Vetëqeverisje Lokale Nr.03/L-40 (Gazeta Zyrtare e Kuvendit të Republikës së Kosovës Nr.28/2008), nenit 8 të Rregullores Nr.01/2016, për shqyrtimin administrativ të akteve të Komunave dhe pas publikimit në Web faqen

Viti, më 26.11. 2019

KUVENDI I KOMUNES SË VITISË
K R Y E S U E S I

